

met hebbe guede wercken toe doen  
en vulbrocht hebbe sundighe wer-  
cken teghen dinen hillighen wille  
Ende ghiff my lieue here nernstelick  
ende vlytelick toe leuen nae dijne  
alre liefsten wille. **O** here Jesu  
chre ick dancke dy der groter smerte  
dijns rechter voetes die eerst doer  
was eer die naghel doer den andere  
ghenck. Ick bidde dy lieue here doer  
der pynen die du anden anderen  
voet ledes dattu die tijt die ick noch  
leuen sal my wilste gheuen toe leue  
nae dinen alre liefsten willen. **A**  
**O** here Jesu chre ick dancke dy der  
rouwen en des groten anxtes die  
du soe mynlick gheleden hebste doe  
die ghiselen om din ghebenedide  
licham gheslaghen worden. en die  
doerne crone die in din hoeret ge-  
dructet wort. En die naghelen die  
doer din hillighe handen en voete